

Қазақстан Республикасы құрылыс, тұрғын үй және аумақтарда құрылыс салу министрлігінің мәселелері

Күшін жойған

Қазақстан Республикасы Министрлер Кабинетінің Қаулысы 1993 жылғы 15 қараша N 1136. Күші жойылды - Қазақстан Республикасы Үкіметінің 1996.12.03. N 1475 қаулысымен.

Қазақстан Республикасы Президентінің "Жаңа тұрғын үй саясаты туралы" 1993 жылғы 6 қыркүйектегі N 1344 Жарлығын орындау үшін Қазақстан Республикасының Министрлер Кабинеті қаулы етеді:

1. Қазақстан Республикасы Құрылыс, тұрғын үй және аумақтарда құрылыс салу министрлігі қызметінің негізгі міндеттері мен бағыттары:

бүкіл құрылыс кешенін реттеу;

сәулет-қала құрылысы қызметінде және күрделі құрылыста баға құрауда бірыңғай ғылыми-техникалық саясат жүргізу;

жаңа тұрғын үй саясатының мемлекеттік бағдарламасын жүзеге асыру жөніндегі жұмысты жалпы үйлестіру, оны одан әрі жетілдіру жөнінен ұсыныстар әзірлеу, меншік нысаны мен қаржыландыру көзіне қарамастан тұрғынжай құрылысы процесіне барлық қатысушылардың қызметіне қала құрылысы тұрғысынан бақылау жасаудың ережесін әзірлеу және іріктеп бақылау жүргізу;

республикалық және аймақтық құрылыс нормалары мен ережелерін әзірлеу мен бекіту, құрылыс пен сәулет, инвестициялық қызмет салаларында заң мен нормативті актілер жобаларын, құрылыстың экономикалық тетігін әзірлеу;

белгіленген тәртіпке сай сәулет-қала құрылысы қызметінің жүйесінде лицензиялауды, жобалардың мемлекеттік сараптамасын, құрылыс өнімдерінің сапасына және аумақтарда құрылыс салуда нормативтік талаптардың сақталуына бақылауды жүзеге асыру;

құрылыс кешені холдинг компанияларының қызметін мемлекеттік реттеу;

мүдделі министрліктермен және ведомстволармен бірлесіп, құрылыс пен аумақтарда құрылыс салу саласында аймақтық, республикалық және мемлекетаралық проблемаларды шешуге және шетел инвестицияларын тарту мен жүзеге асыруға қатысу;

республикада қоныстанудың мемлекеттік схемасын әзірлеу, әрі оның негізінде мүдделі министрліктермен және ведомстволармен, жергілікті атқару органдарымен бірге аумақты тиімді пайдалануды, өнеркәсіптік, азаматтық, көліктік және рекреациялық құрылысты ұтымды орналастыру мен экономикалық

, әлеуметтік және экологиялық міндеттерді өзара байланыстыра шешуді қамтамасыз ету, республика аумағында мемлекеттік қала құрылысы кадастрын енгізу болып белгіленсін.

2. Қазақстан Республикасының Құрылыс, тұрғын үй және аумақтарда құрылыс салу министрлігі жаңа тұрғын үй саясатын жүзеге асыру, құрылыс кешені мен аумақтарда құрылыс салуды мемлекеттік реттеу жөніндегі салааралық орган болып табылады және ол өз құзырына берілген мәселелер бойынша министрліктер, ведомстволар, жергілікті әкімдер, концерндер, холдинг компаниялары, корпорациялар, қауымдастықтар, ведомстволық бағыныстылығына қарамастан кәсіпорындар мен ұйымдар орындауға міндетті шешімдер қабылдайды деп белгіленсін.

3. Қазақстан Республикасының Құрылыс, тұрғын үй және аумақтарда құрылыс салу министрлігінің құрамына кіретін кәсіпорындар мен ұйымдардың қоса беріліп отырған тізбесі бекітілсін.

4. Облыстардың орталықтарында, Алматы және Ленинск қалаларында Қазақстан Республикасының Құрылыс, тұрғын үй және аумақтарда құрылыс салу министрлігінің сәулет-қала құрылысы қызметін лицензиялауды, құрылыс өнімдерінің сапасын бақылауды және жобалардың мемлекеттік сараптамасын жүзеге асыратын құрылымдары жұмыс істейтін болып белгіленсін.

5. <*>

Ескерту. 5-ші тармақтың күші жойылған - ҚРМҚ-нің 1995.06.23.

N 872 қаулысымен.

6. <*>

Ескерту. 6-тармақтың күші жойылған - ҚРМҚ-нің 1995.06.12.

N 813 қаулысымен.

7. Қазақстан Республикасының Құрылыс, тұрғын үй және аумақтарда құрылыс салу министрлігіне құрылыс кешенінің холдинг компанияларымен бірлесіп, кадрларды қайта даярлау мен біліктілігін арттырудың нарық экономикасының талаптары ескерілген салық жүйесін ұйымдастыру тапсырылсын.

8. Қазақстан Республикасының Қаржы министрлігі белгіленген адам санын және мемлекеттік басқару органдары қызметкерлеріне еңбек ақы төлеудің қолданылып жүрген шартын ескеріп, Қазақстан Республикасының Құрылыс, тұрғын үй және аумақтарда құрылыс салу министрлігі бойынша 1993 жылға арналған еңбекақы қорын анықтасын, сондай-ақ осы министрлікке жабдықтар, іс техникасын, жиһаз және мүкәммал сатып алу мен ұстауға арнап жыл сайын қаржы, соның ішінде еркін айналыстағы шетел валютасын бөлуді қарастырсын. <*>

Ескерту. 8-тармақтың бірінші абзацының күші жойылған -

ҚРМК-нің 1994 ж, 17 қарашадағы N 1301 қаулысымен.

9. Алқа құрамына министр мен оның орынбасарлары және лауазымына қарай министрліктің басшы қызметкерлері кіретін болып белгіленсін. <*>

Алқа мүшелерін министрдің ұсынуы бойынша Қазақстан Республикасының Министрлер Кабинеті бекітеді. <*>

Ескерту. 9-тармақтың бірінші абзацының бірінші сөйлемінің күші жойылған - ҚРМК-нің 1994 ж, 17 қараша N 1301 қаулысымен.

9-тармағына ішінара өзгерту енгізілген Қазақстан Республикасының Құрылыс, тұрғын үй және аумақтарда құрылыс салу министрлігіне құрамында 12 адамы бар алқа құруына рұқсат етілген - ҚРМК-нің 1994 ж. 20 шілдедегі N 819 қаулысымен.

(10-тармақ) <*> .

Ескерту. 10-тармақтың күші жойылған - ҚРМК-нің 1994 ж. 17 қараша N 1301 қаулысымен.

11. Қазақстан Республикасының Ғылым және жаңа технологиялар министрлігі 1993-1994 жылдары Қазақстан Республикасының Құрылыс, тұрғын үй және аумақтарда құрылыс салу министрлігіне қажетті компьютерлік техника беруді қарастырсын.

12. Қазақстан Республикасының Мемлекеттік мүлік жөніндегі мемлекеттік комитеті:

Алматы қаласының әкімімен бірлесіп, Қазақстан Республикасының Құрылыс, тұрғын үй және аумақтарда құрылыс салу министрлігінің орталық аппаратын орналастыру үшін бір ай мерзімде Алматы қаласында қызмет үй-жайын бөлсін;

белгіленген тәртіппен Қазақстан Республикасының Құрылыс, тұрғын үй және аумақтарда құрылыс салу министрлігіне өзінің құрамына енетін кәсіпорындар мен ұйымдардың мемлекеттік мүлкін және акциясының мемлекеттік пакеттерін иелену, пайдалану және басқару құқығын берсін.

13. Қазақстан Республикасының Байланыс министрлігі Құрылыс, тұрғын үй және аумақтарда құрылыс салу министрлігінің орталық аппараты үшін үкіметтік, арнаулы және қалалық телефон байланысы нөмірлерінің қажетті санын бөлуді қарастырсын.

14. Қазақстан Республикасының Құрылыс, тұрғын үй және аумақтарда құрылыс салу министрлігі мен Қазақстан Республикасының Әділет министрлігі мүдделі министрліктермен және ведомстволармен бірлесіп, екі ай мерзімде Республика Үкіметінің бұрын қабылданған шешімдерін осы Қаулыға сәйкестендіру туралы ұсыныстарын Қазақстан

Республикасының Министрлер Кабинетіне енгізсін.

15. Қазақстан Республикасының Құрылыс, тұрғын үй және аумақтарда құрылыс салу министрлігі бір ай мерзімде Министрлік туралы ереженің жобасын белгіленген тәртіппен әзірлеп, Қазақстан Республикасы Министрлер Кабинетінің бекітуіне енгізсін.

16. Қазақ КСР Министрлер Кабинетінің "Қазақ КСР-інің Сәулет және құрылыс жөніндегі мемлекеттік комитетінің мәселелері туралы" 1991 жылғы 21 ақпандағы N 127 қаулысының күші жойылған деп танылсын.

Қазақстан Республикасының
Премьер-министрі

Қазақстан Республикасы
Министрлер Кабинетінің
1993 жылғы 15 қарашадағы
N 1136 қаулысымен
Бекітілген

Қазақстан Республикасының Құрылыс,
тұрғын үй және аумақтарда құрылыс салу
министрлігінің құрамына кіретін ұйымдардың
Тізбесі

Мемлекеттік ғылыми-зерттеу және жобалау-эксперименттік институты
"КазНИИССА", Алматы қаласы

"Казгипроград" мемлекеттік жобалау институты, Алматы қаласы "

Казводоканалпроект" мемлекеттік жобалау институты, Алматы қаласы "

Кокшетаугорсельпроект" мемлекеттік жобалау институты, Көкшетау қаласы "

Тургайпроект" мемлекеттік жобалау институты, Арқалық қаласы "

Кустанайгражданпроект" мемлекеттік жобалау институты, Қостанай қаласы "

Павлодаргражданпроект" мемлекеттік жобалау институты, Павлодар қаласы "

ПавлодарГИИЗ" мемлекеттік инженерлік іздестірулер институты, Павлодар

қаласы "Жезказғангражданпроект" мемлекеттік жобалау институты, Жезқазған

қаласы "КзылордаГИИЗ" мемлекеттік инженерлік іздестірулер институты,

Қызылорда қаласы "Целингражданпроект" мемлекеттік жобалау институты,

Ақмола қаласы "Карагандагражданпроект" мемлекеттік жобалау институты,

Қарағанды қаласы "КазНИОПС" мемлекеттік ғылыми-өндірістік орталығы,

Қарағанды қаласы "КарагандаГИИЗ" мемлекеттік инженерлік іздестірулер

институты, Қарағанды қаласы "Стройизыскатель" мемлекеттік кәсіпорны, Петропавл қаласы "ВостокГИИЗ" мемлекеттік инженерлік іздестірулер институты, Өскемен қаласы "Стройизыскатель" мемлекеттік шағын кәсіпорны, Семей қаласы "АқтүбГИИЗ" мемлекеттік инженерлік іздестірулер институты, Ақтөбе қаласы "Казтиппроект" мемлекеттік үлгі-жобалау институты, Алматы қаласы Құрылыстың басшы қызметкерлері мен құрылыс мамандарының біліктілігін арттыру мемлекеттік институты "РИПКС", Алматы қаласы "КазГИИЗ" инженерлік іздестірулер жалгерлік бас институты, Алматы қаласы "Атыраупроект" жалгерлік жобалау институты, Атырау қаласы "Жамбылгражданпроект" жалгерлік жобалау институты, Жамбыл қаласы "Южгражданпроект" жалгерлік жобалау институты, Шымкент қаласы "ЮжГИИЗ" инженерлік іздестірулер жалгерлік институты, Шымкент қаласы "Изыскатель" инженерлік іздестірулер жалгерлік институты, Жамбыл қаласы "Севгражданпроект" жалгерлік кәсіпорны, Петропавл қаласы Республикалық салааралық құрылыс саласындағы ғылыми-техникалық ақпарат орталығы "КазЦНТИС", Алматы қаласы "Граждансельпроект" акционерлік қоғамы, Алматы қаласы "Промстройпроект" акционерлік кәсіпорны, Алматы қаласы "Интерпроект" акционерлік жалгерлік кәсіпорны, Алматы қаласы "Индусқұрылысжоба" Целиноград мемлекеттік жобалау-конструкторлық және технологиялық институтының шағын мемлекеттік кәсіпорны, Ақмола қаласы "Қазақ Ауырөнеркәсіпэлектржоба" мемлекеттік жобалау институты, Алматы қаласы "Сантехжоба" акционерлік қоғамы, Алматы қаласы <*>

Ескерту. Тізбе толықтырылған және өзгерген - ҚРМҚ-нің 1994 ж.

17 қараша, N 1301 қаулысы бойынша.